

ROMANI COLLEGII
SOCIETATUS JESU
M U S Æ U M
CELEBERRIMUM,

Cujus magnum Antiquariæ rei, sta-
tuarum imaginum, picturarumque partem

Ex Legato

ALPHONSI DONINI, S.P.Q.R.

A Secretis, munificâ Liberalitate relictum.

P. ATHANASIUS KIRCHERUS Soc. JESU,
novis & raris inventis locupletatum, compluriumque Princi-
pum curiosis donariis magno rerum apparatu instruxit:

*Innumeris insuper rebus ditatum, ad plurimorum, maximè
exterorum, curiositatique doctrinæ avidorum instantiam urgentisque preces
novis compluribusque machinis, tum peregrinis ex Indiis allatis
rebus publicæ luci votisque exposuit*

GEORGIUS de SEPIBUS *Valesius,*

Authoris in Machinis coccinandi Executor.



AMSTELODAMI,

Ex Officina JANSSONIO-WAESBERGIANA.

ANNO cło 16c LXXVIII. Cum Privilegio.

Cap. VI. *Rhinocerotis Cornua*. Inter peregrina & exotica animantia, quae mira-

Rhino-
cerota
Cornua.



bilium fecunda parens natura producere solet, est hoc deforme monstri genus. Animal est grande, durissimo & solidissimo corio, ceu thorace ferreo à natura loricatum. Corporis mole Elephantum non impar, à qua tamen non nihil deficit, eo quod breviores habeat pedes. Caput habet ad modum fimum in rostro acutius, & usque ad frontem productius, grossissimi ac robustissimi colli; os repandum, inter nares ei excrescit cornu rotundum, & robustissimum, parumper versus frontem incurvatum, ferrugineum nigrorem habens; caudam more Boum ejusque formae gestat. Nonnulli porro *Rhinoceroses* duobus cornibus instructi sunt. Majori inter nares, minori verò supra nares; feritate, dolo, & fortitudine cor-

poris molem aequat, adeo ut nulli belluarum cedat. Tempore *Domitiani* sapius in arenam producti fuerunt, semperque visi luctandi dexteritate ceteris praevalere; adeo ut Elephantes sternere, Leopardos exanimare, Leones interimere, Tauros conficere, Ursos extenuare, aliaque ferocioris naturae animalia enecare, & vincere compertum sit. Unde *Martialis* lib. *Spectac.* Epigr. 22. canit.

*Sollicitant pavidum dum Rhinocerotum
Magistri,*

*Seque diu magnae colligit ira ferae,
Desperabantur promissa Martis
Sed tamen is rediit, qui fuit ante furor.
Namque gravem gemino cornu sic extulit
Ursum,*

*Fallat ut impositas Taurus in astra
pilas.*

Habet *Museum* tria *Rhinocerotum* *Cornua*, duo minora bipalmaria in longitudine, & septem unciarum in calcis radice, diametro, unde in conum excrescentia, leviter incurvata in acumen gracilescent. Tertium verò cornu ceteris subtilius est, cum in calce semipalmarem solum expleat diametrum, indeque ultra tres palmos in acumen decrevit prioribus acutius.



Hippo-
potamus.

Hippopotamus, seu *Equus marinus*. Animal est quadrupes, & amphibium, quod licet inter aquas degat, tamen inter terrestria quoque referre libuit amphibia. Refert de illo *Odoar-*

us Barbosa, quod sapius visus sit à *Lusitanis* Nautis in *Insula Cesula*, ad pascua exire, & in pratis in morem pecudis recenti gramine vesci: deprehensum sapius & circumventum in praedam venisse,